

III. OUTRAS DISPOSICIÓNS**CONSELLERÍA DO MAR**

ORDE do 25 de agosto de 2025 pola que se amplía o crédito para os procedementos PE120B e PE120E da Orde do 17 de decembro de 2024 pola que se establecen as bases e se regulan os procedementos para a concesión, en réxime de concorrencia competitiva, de axudas para investimentos que fomenten a pesca sustentable para propietarios de buques pesqueiros, cofinanciadas co Fondo Europeo Marítimo, de Pesca e de Acuicultura (FEMPA), e se convocan para o ano 2025 os devanditos procedementos, tramitados como expedientes anticipados de gasto (códigos de procedemento PE120A, PE120B, PE120C e PE120E).

A Orde do 17 de decembro de 2024 (DOG núm. 5, do 9 de xaneiro de 2025) estableceu, para o ano 2025, a convocatoria de axudas para investimentos que fomenten a pesca sustentable para propietarios de buques e entre as súas finalidades estaban as de realizar investimentos:

- Que melloren a hixiene, a saúde, a seguridade e as condicións de traballo dos traballadores, sen aumento de capacidade (procedemento PE120B sen aumento de capacidade).
- Que incrementen a calidade, o valor engadido e a seguridade alimentaria dos produtos pesqueiros (procedemento PE120E).

A devandita orde establece no seu artigo 4 que o importe fixado na dita convocatoria, así como as aplicacións a que se impute, se poderá ampliar no caso de que exista crédito dispoñible derivado dunha xeración, ampliación ou incorporación de crédito, de remanentes doutras convocatorias ou en calquera dos casos e coas condicións establecidas no número 2 do artigo 30 do Regulamento da Lei de subvencións de Galicia (Decreto 11/2009, do 8 de xaneiro), sen que iso dea lugar á apertura dun novo prazo de presentación de solicitudes.

Tendo en conta que este ano, polo número e contía deste tipo de axudas, o crédito orzamentario non foi suficiente para atender as solicitudes que cumpren cos requisitos, procede ampliar o crédito orzamentario para a concesión das axudas para as liñas de investimentos que melloren as condicións laborais e de seguridade a bordo e para as que melloren as condicións laborais e de seguridade a bordo sen aumento de capacidade.

CVE-DOG: sdmmixu5-hxr2-rct3-wsp2-qp534rzx9ln0



Por todo o anterior, e no uso das facultades que me foron conferidas,

DISPOÑO:

Artigo único

Primeiro. Amplíase o importe da contía máxima das axudas que se van conceder ao abeiro da Orde do 17 de decembro de 2024 en:

3.673.442,99 euros, con cargo á aplicación orzamentaria 16.02.723A.770.3 (código de proxecto 2024.00147) dos orzamentos xerais da Comunidade Autónoma de Galicia para o ano 2025, polo que o importe total da convocatoria de 2025 para o procedemento PE120B sen aumento de capacidade ascende a 4.749.636,99 euros.

E en:

2.315.061,44 euros, con cargo á aplicación 16.02.723A.770.5 (código de proxecto 2024.00149) dos orzamentos xerais da Comunidade Autónoma de Galicia para o ano 2025, polo que o importe total da convocatoria de 2025 para o procedemento PE120E ascende a 3.038.172,44 euros.

Segundo. A publicación desta orde non supón a apertura dun novo prazo de presentación de solicitudes.

Disposición derradeira única

Esta orde producirá efectos a partir do día seguinte ao da súa publicación no *Diario Oficial de Galicia*.

Santiago de Compostela, 25 de agosto de 2025

Marta Villaverde Acuña
Conselleira do Mar

CVE-DOG: sdmmixu5-hxr2-rct3-wsp2-qp534rzx9ln0

